



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola V. Hadriani Papae IV. Ad Evmdem. Respondet superiori: & Guidoni
Rauennati archiepiscopo confirmationem denegat.

urn:nbn:de:hbz:466:1-15588

EPISTOLA V.
HADRIANI PAPÆ IV.
AD EVMDEM.

Respondet superiori: & Guidoni Rauennati archiepiscopo confirmationem denegat.

Hadrianus seruus seruorum Dei carissimo in Christo filio Friderico illustri Romanorum imperatori salutem & apostolicam benedictionem.

QVALITER superni Conditoris intuitu, & tam excellentiæ tuæ, quam dilecti filii nostri Guidonis Blanderatensis comitis interuentu, dilectum filium Guidonem subdiaconum nostrum, eiusdem comitis filium, olim in familiaritatem & in nostrum consortium receperimus; qualiter etiam intuitu probitatis eiusdem, atque pro honore & utilitate sacrosanctæ Romanæ ecclesiæ, tamquam si in diaconum iam fuerit ordinatus, ecclesiam ei specialiter assignauerimus: & nos profecto memores, * & a serenitatis tua memoria non credimus excidisse. Nunc autem honestatem ipsius considerantes, & profectum scientiæ, si ei vita comes fuerit, attendentes; intelligentes etiam quanta per eum, ac per nobiles & potentes parentes ipsius, sacro-sanctæ Romanæ ecclesiæ adhuc potuerint commoda prouenire, & ad quantum dignitatis apicem in eadem Romana ecclesia ipse valeat, vita generi concordante, descendere, cum a sede apostolica in subdiaconatus officium sic promotus, & ei tamquam si iam diaconus esset (sicut superius dictum est) a nobis sit ecclesia specialiter assignata: communicato fratrum nostrorum consilio, a nostro latere tam preciosum pignus, iuxta petitionem excellentiæ tuæ, non potuimus remouere, sed ipsum opportunitate accepta, Deo auctore, in Romana ecclesia ad honorem eiusdem ecclesiæ & imperii intendimus ordinare, ut vel in ea, prout diuina gratia proposuerit, quandoque ad sublimiora conscendat, vel exinde ad alterius ecclesiasticæ fastigium dignitatis ipsum contingat, auxiliante Domino, peruenire. Conuenientius siquidem est, ut qui filius & clericus est Romanæ ecclesiæ, ab eius gremio non recedat; & ipsa ei circa se locum dignitatis conferens, ei-

dem inde prouideat altiora. Ipsa etenim viros & moribus & scientia adornatos, præditos honestate, & sanguinis nobilitate præclaros ad se libenter euocat, & eos aliunde consuevit admittere, non se talibus, cum ipsos in gremio suo habeat, facile honore spoliare. Quia igitur hoc decentius esse conspicimus, & honorabilius existere arbitramur, confidentes etiam imperatoriæ maiestati hoc potius debe re placere, & gratum atque acceptum esse: postulationem tuam in hac parte non duximus admittendam, credentes atque sperantes, quod ex quo nostram super hoc cognoveris voluntatem, tu ipse nostram intentionem & propositum commendabis.

E P I S T O L A VI.
H A D R I A N I P A P Æ IV.

A D E V M D E M.

De duplice iniuria sedi apostolicæ per ipsum illata.

Hadrianus episcopus seruus seruorum Dei Friderico Romano imperatori salutem & apostolicam benedictionem.

Lex diuina sicut parentes honorantibus longæuita - *Exod. 20.*
tem promittit, ita maledicentibus patri & matri sententiam mortis intendit. Veritatis autem voce docemur, quia *Omnis qui se exaltat humiliabitur. Quapropter*, dilecte in Domino fili, super prudentia tua non mediocriter admiramus, quod beato Petro & sanctæ Romanæ ecclesiæ non quantam deberes exhibere reuerentiam videris. In literis enim ad nos missis nomen tuum nostro præponis; in quo insolentiæ, ne dicam arrogantiæ, notam incurris. *Quid dicam de fidelitate beato Petro & nobis a te promissa & iurata; quomodo eam obserues, cum ab iis qui dii sunt & filii Excelsi omnes, episcopis videlicet, homagium requiris, fidelitatem exigis, & manus eorum sacratas manibus tuis innectis, & manifeste factus nobis contrarius, cardinalibus a latere nostro directis non solum ecclesiæ, sed & ciuitates regni tui claudis? Resipisce ergo, resipisce, tibi consulimus. Quia cum a nobis consecrationem & coronam merueris, dum inconcessa captas, ne concessa perdas nobilitati tuæ timemus.*

F f iii